


# Oberfläche Goofe

## Einzug

Mer send d'Oberfläckegoofe  
singed was das Jahr esch gloffe.  
Mer send d'Oberfläckegoofe  
singed was das Jahr esch gloffe.



## Verpflichtige

Melodie: Z'Lied vo dem arme Polizeiorgan  
(Mani Matter)

Die meischte vo eus Goofe, gottlob  
sind brav und gsetzestreu  
Gönd 9 Mönat vor de Fasnacht nüm mitenand is  
Heu.

Doch gwüssi Goofe die sind weder gsetzestreu  
no brav  
und fröhned trotz Verpflichtige am liebschte em  
Bischlaf.



## Demokratie – quo vadis?

Melodie: Hippigschpängschtli (Peter Räber)

Wer kânt scho d'Not vom türkischää  
Ministerpräsidentli.  
S'esch s'Amt wo de Erdogan so gloschtig macht.  
Gänd dem Präsident doch alli Ämtli  
well z'Dütschland händs no zwenig öbern glacht.



Demokratie esch hôt zu Tags es  
Schreckensspängschtli  
esch en Volksentscheid überhaupt di richtig  
Form?  
S'Einzig womer begriffe händ - schlussäntli  
USR heisst – Unternähmensstürreform.


Was chönti d'USA wöörklich entbehre  
em dütsche - Frederik Trump - sin Enkelsohn.  
Eus Goofe will das Bispel öpis lehre  
trouet ned - de dritte Genration.



## An apple a day, keeps the doctor away

Melodie: Auf de schwäb'sche Eisenbahne

Wärs ade Fasnacht,  
wie de Sokrates hät gschriebe  
Wer nüt gschieds z'säge hät,  
sell besser schwiege.  
Rächt hät er, nei ziehd kei Schnute,  
drom gits vo de Kurärzt - nor e Schwiegeminute.



## FIFA 2026: Monster-WM

Melodie: Blowin in the wind (Bob Dylan)

Wievél Länder müend ade Fuessball-WM spile,  
damits för dFIFA rentiert?  
48 Stock wött de Infantino ha  
und sichered sech so sin Stuel.




Bises dänn ändlich zor Usführig chont,  
gönd Goofe vo de Goofe scho id Schuel.  
Ofem Pauseplatz chamer gseh,  
met 16 Länder meh  
tuet en Schlag met em Paniniheft meh weh.

www.goofe.ch

## Jahrhundertereignis

Melodie: 1 und 1 git grünen (Markus Traber)

D'Woret esch e Lüüg,  
Deemuet heisst jetz Grössewahn,  
E neuu Muur muess he.



Ond d'Chrankekasseprämie sinkt,  
Billett werded günstiger,  
Wissi Wiehnacht esch normal,  
Zo Pändlerziite hocksch.

Spare lohnt sich wegem Zins,  
D'Wält suhlt sich in Frede.

De Tüfel esch de beschti Christ,  
ond ide USA  
wählets - en – Dadaischt.



## Ide USA wirds nie anders


Melodie: Mischung zwischen „Sie hei de Wilhelm Tell  
ufgeführt“ und „Ballade vom Nationalrat Hugo  
Sanders“ (Mani Matter)

Sie händ en neue Leader gwählt – ide USA.  
Doch halt - nei stopp - jetzt no emol  
mer fünd ganz vore ah.

Wo als Kandidat de Bernie Sanders gred hät vor  
de Wahl, hät jede gmeint,  
wänn dä gwählt esch wird als anders.  
Ond drum händ en huufe Lüt vereint,  
s'Losigswort usgäh, wählet de Sanders,  
so wirds ide USA mol anders,  
s'Losigswort usgäh, wählet de Sanders,  
aber leider gseht das d'Mehrheit anders.

Drom händ de Trump ond d'Clinton das dänn  
usgmacht underenand.  
Met Mailverchehr ond falsche Hoor,  
de Usgang esch bekannt.  
D'Ivanka Trump hät das mol einisch ned gseit  
s'Chleid esch tüür  
Ond de Bill hät guet ufpasst dass er d'Ivanka ned  
berührt.

US-Dekret ond Muurebou  
de Trump schöpft us de Vollä,  
so gförlichi Ragete-Starts  
de Kim das esch kein Tollä.  
Doch förs Trumpeltier do hät de Kim,  
e Lösig wo sech lohnt,  
e Ragete gmacht för langi Strecke  
ond de Dubel - wär of em Mond.



### Ihr Kinderlein kommet zu CVPs Stall


Melodie: Hallelujah (Leonard Cohen)

Als Parteipräsident do muesch brilliere,  
noor guet wörke, ned studiere.  
Doch de Darbellay de wet das nömme.  
Bechonnt d'CVP so neue Schwung?  
Wörkt so weder me fescht und jung,  
cha sech moderner gäh ohni sech z'chrömmen.

ohni sech z'chrömmen  
ohni sech z'chrömmen  
ohni sech z'chrömmen  
ohni sech z'chrööööööööööö-me

Was täti de Partei dänn guet,  
wänn ihri Stärchi darbelle tuet.  
De "Christoph" seit:  
ich weiss, wien ich's büüge.  
D'Nachwuchsförderig esch Chefsach,  
Jungmitglieder esch was ich mach,  
drum han ich sie grad sälber welle züüge.

welle züüge  
welle züüge  
welle züüge  
welle züüüüüüüü-ge.



### D'Fasnacht esch grettet

Melodie: Blowin in the wind (Bob Dylan)

Säg wieviel Jahr setzed d'Morgemuffle us,  
bis sie weder fasnächtle tüend.  
Gönd ehne öpe di guete Idee us?  
Oder sends scho z'altbache?

Nei sie händ gaaanz andri Sörgeli ond Ängscht.  
Wänd de Neue de Platz ned stritig mache.  
Ade Fasnacht chamer gseh, met 9 Gmeinde meh  
Tuusig Schnitzelbankgruppe – ohjemine.

### The absolutly fantastic Escape

Melodie: Amerika (Adrian Stern)

Im neue Escape room, wo im Fläche stohd  
döt muesch Räätsel löse, bevors us ihm,  
weder usegod  
Zit häsch genau ä stund,  
doch wörd de Gmeindrot goh  
wie lang brucht de Määni Moser ächt,  
zom dete usecho?  
23ig Jahr!

### Festangestellter Busseneintreiber


Melodie: Auf de schwäb'sche Eisenbahne

In Bade do händs erscht grad jetzt  
en fixe Blitzer anegsetzt.  
De Ort händs gwählt bem Installiere  
zum d'Velostation quer - subventioniere.

### Merkel (great) again

Melodie: Blowin in the wind (Bob Dylan)


Säg wievill Mol tritt d'Frau Merkel no a,  
beses um die letschi Amtszit god?  
Lang chas nümme goh, bes d'Frau Merkel  
zugtritt.  
Sie goht, wänn d'EU nümme git.



### Sack tüür

Melodie: Kiosk (Hanery Ammann)

Bringe mer de Stutz id Migros,  
wämer Sache z'Poste händ?  
Lieber ned, wells ade Kasse  
öpis förs Säckli wänd.



Ned besser eschs im Lidl,  
ipacke muesch det gschwind.  
Es riese Förderband ond nüt dehinter,  
das känded au d'Aldi-Chind.

En Sack Fleisch usem Manor  
macht eus nöme ah.  
Drum gömer lieber in Coop,  
det chasch de Foifer ond s'Säckli ha.



### Amerika get's nümme

Melodie: Amerika (Adrian Stern)

Chom mer hued ab, chom mer fönd neu a,  
chom mer stiigid ines Pedalo ond verschwindet  
us Amerika.  
Mer send so enttüscht vo dem Kontinät,  
es esch nömme wie früehner - Brangelina händ  
sech trännt.

Trump is Pedalo!



### Abdankig

S'esch skandalös,  
s'esch bodebö, s'esch schuderbar  
Aber s'esch wahr

